

卷三



書名 杜氏通典二百卷 嘉靖十八年西樵方獻夫刊本
 撰者 唐 杜佑 撰, 明 王德益、吳鵬 同校
 卷 卷三
 內容分類 史-政書 歷代通制
 索書號 貴重- 17
 編號 B3510400

彩色首頁1

東洋文化研究所漢籍目錄 編號: B3510400

東洋文化研究所漢籍目錄所藏漢籍善本全文影像資料庫 索書號: 貴重-17

漢籍善本全文影像資料庫文本 杜氏通典二百卷 嘉靖十八年西樵方獻夫刊本

版權所有: 東京大學 東洋文化研究所

使用上的注意事項

杜氏通典卷第二十五

職官七

諸卿上 總論諸卿

太常卿 丞奉禮郎主簿博士 太祝 兩京郊社署

太樂署 鼓吹署 太醫署 太卜 廩犧 汾祠 太公廟等署

光祿卿 丞良醞署主簿掌醢署 太官署 珍羞署

衛尉卿 丞守宮署主簿武庫署 馬令 武器署 左右都侯

宗正卿 丞諸陵署主簿崇玄署

太僕卿 丞典牧署主簿乘黃署 諸牧監 典廄署

大理卿 正司直丞評事監 獄丞

諸卿附 少卿

右四十四萬九百二十石後上元中於楚州古謝陽湖置洪澤屯壽州置芍陂屯厥田沃壤大獲其利

杜氏通典卷第二

杜氏通典卷第三

食貨三

鄉黨土斷版籍並附 周 隋 宋 齊 梁 陳 後魏 北齊

昔黃帝始經土設井以塞爭端立步制畝以防不足使八家為井井開四道而分八宅鑿井於中一則不洩地氣二則無費一家三則同風俗四則齊巧拙五則通財貨六則存亡更守七則出入相司八則嫁娶相婚九則無有相貸十則疾病相救是以情性可得而親生產可得而均均則侵凌之路塞親則鬪訟之心弭既牧之於邑故井一為隣隣三為朋朋三為里里五為邑邑十為都都十為師師十為州夫始分之

於井則地著計之於州則數詳迄平夏殷不易其制

○后制大司徒令五家為比使之相保五比為閭使之

相受四閭為族使之相莖五族為黨使之相救五黨

為州使之相賙五州為鄉使之相賓鄭玄曰此所以

者皆謂立其長而教令使之保猶任也救救凶災也

實賓客其賢者也受者宅舍有故相受寄託也賙者

謂禮物不備相給足也閭二十五家族百家黨五百

家州二千五百家鄉萬二千五百家此總謂郊內者

是也及三年則大比大比則受邦國之比要天大比謂使

閱人數及其財物也受邦國之比要則亦受鄉遂矣

鄭司農云五家為比故以比為名今時八月按比是

也要謂遂人掌邦之野郊外曰野此野以土地之圖

其簿謂甸稍縣都經田野造縣鄙形體之法五家為鄰五鄰為里四里

為鄣作管五鄣為鄙五鄙為縣五縣為遂皆有地域

溝樹之使各掌其政令刑禁以歲時稽其人民而授

之田野簡其兵器教之稼穡經形體皆謂制分界也

比閭族黨州鄉也鄭司農云田野之居其比伍之名

與國中異制故五家為鄰鄭玄謂異其名者示相變

耳遂之軍法追胥里有序而鄉有序序以明教庠則

行禮而視化焉夫均其厚薄則生產平統之於鄙則

為伍則人之衆寡可知故管子曰欲理其國者必先

知其人欲知其人者必知其地自昭穆之後王室中

衰井田廢壞不足以紀人之衆寡宣齊桓公用管仲
管仲曰夫善牧者非以城郭也輔之以什司之以伍
伍無非其里什無非其家故奔亡者無所匿遷徙者
無所容不求而得不召而來故人無流亡之意吏無
備追之憂故王政可行於人人心可繫於主是以制

國郊內則以五家爲軌軌十爲里里四爲連連十爲鄉鄉五爲帥國內十五鄉自五至帥郊外則三十家爲邑邑十爲卒卒十爲鄉鄉三爲縣縣十爲屬屬有五自五至屬各有官長以司其事以寓軍政焉而齊遂霸徐偉長中論曰夫治平在庶功興庶功興在事役均事役均在民數周民數周爲國之本也先王周知其萬民衆寡之數乃分九職焉九職旣分則劬勞者可見勤惰者可聞也然而事役不均者未之有也事役旣均故上盡其心而人竭其力然而庶功不興者未之有也庶功旣興故國家殷富大小不匱百姓休和下無怨疾焉然而治不平者未之有也故泉有

源治有本道者審本而已矣故周禮孟冬司寇獻民數于王王拜受之登于天府內史司會冢宰貳之其重之也如是今之爲政者未之知恤已也譬猶無田而欲樹藝雖有農夫安能措其強力乎是以先王制六鄉六遂之法所以維持其民而爲之綱目也使其隣比相保愛賞罰相延及故出入存亡臧否逆順可得而知也及亂君之爲政也戶口漏於國版夫家脫於聯伍避役逋逃者有之於是姦心競生而僞端並作小則濫竊大則攻劫嚴刑峻令不能救也人數者庶事之所自出也莫不取正焉以分田里以令貢賦以造噐用以制祿食以起田役以作軍旅國以建典

家以立度五禮用修九刑用措其唯審人數乎○東晉
哀帝崇和元年三月庚戌天下所在土斷孝武時范
甯陳時政曰昔中原喪亂流寓江左庶有旋返之期
故許其挾住本郡自爾漸久人安其業丘隴墳栢皆
以成行無本邦之名而有安土之實今宜正其封疆
土斷人戶明考課之科修閭伍之法難者必曰人各
有桑土之懷丁役之慮斯成并無之所執而非通理
之篤論也古者失地之君猶臣所寓之主列國之臣
亦有違適之禮隨會仕秦致稱春秋樂毅適燕見褒
良史且今普天之人原其氏出皆隨代移遷何至於
今而獨不可帝善之安帝義熙九年宋公劉裕緣人

居士上表曰臣聞先王制禮九土攸序分境畫野各
安其居故井田之制三代以崇秦革其政漢遂不改
富强兼并於是爲弊在漢西京大遷田景之族以實
關中卽以三輔爲鄉閭不復係之於齊楚九服不擾
所託成舊自永嘉播越爰託淮海朝運匡復之算人
懷思本之心經略之圖日不暇給是以寧人綏理猶
有未遑及至天司馬桓温以人無定本傷理爲深庚
戌土斷以一其業于時財阜物豐實由於此自茲迄
今彌歷年載畫一之制漸用頽弛雜居流寓閭伍不
修王化所以未純人瘼所以猶在自非改調無以濟
理夫人情滯常難與慮始謂父母之邦以爲桑梓者

誠以生焉敬愛所託請依庚戌土斷之科庶存其本
稍與事著然後率之以仁義鼓之以威聲超大江而
跨黃河撫九江而復舊土則懸本之志乃速申於當
年在始暫勤要終必易於是依界土斷唯徐兗青三
州人居晉陵者不在斷限諸流寓郡縣多被併省○
宋孝武大明中王玄謨請土斷雍州諸僑郡縣今襄陽漢東等郡也○齊高帝建元二年詔朝臣曰黃籍人之大紀
國之理端自頃氓僞已久乃至竊注爵位盜易年月
或戶存而文書已絕或人在而反記死版停私而云
隸役身強而稱六疾皆政之巨蠹教之深疵比年雖
却改籍書終無得實若約之以刑則人僞已遠若緩

之以德又未易可懲諸賢並深明理體各獻嘉謀以
何科筭能革斯弊也虞玩之上表曰宋元嘉二十七
年八條取人孝建元年書籍衆巧之所始也元嘉中
故光祿大夫傅崇年出七十猶手自書籍躬加隱校
崇何必有石建之慎高柔之勤蓋以時屬休明服道
修身故耳古之共理天下唯良二千石今欲求理正
其在勤明令長凡受籍縣不加檢勘但封送州州檢
得知方却歸縣吏貪其賂入肆其姦姦彌深而却彌
多賂逾厚而答逾緩自泰始三年至元徽四年揚州
等九郡黃籍共却七萬一千餘戶于今十一年矣而
所正者猶未四萬神州奧區尚或如此江湘諸郡倍

不可念愚謂宜以元嘉二十七年籍爲正人情法旣久今建元二年書籍宜更立明科一聽首悔迷而不返依制必戮使官長審自檢校切令明洗然後上州永以爲正若有虛昧州縣同咎今戶口多少不減元嘉而版籍頓闕弊亦有以自孝建以來入勲者衆其中操干戈衛社稷者三分殆無一焉尋蘇峻平後庾亮就温嶠求勲簿而嶠不與以爲陶侃所上多非實錄物之懷思無代不有宋末落紐此巧尤多又有改注籍狀詐入仕流昔爲人役者今反役人又生不長髮便謂爲道或抱子并居竟不編戶遷徙去來公違土斷屬役無漏流亡不歸法令必行自然競反爲理

不患無制患在不行不患不行患在不久帝省表納之乃別置校籍官置令史限人一日得數巧以防懈怠至武帝永明八年謫巧者戍緣淮各十年百姓怨咨帝乃詔曰旣徃之愆不足追究自宋昇明以前皆聽復注其有謫役邊疆各許還本自此後有犯嚴加其罰○梁武帝時所司奏南徐江郢逋兩年黃籍不上尚書令沈約上言曰晉咸和初蘇峻作亂版籍焚燒此後起咸和三年以至于宋並皆詳實朱筆隱注紙連悉縫而尚書上省庫籍唯有宋元嘉中以來以爲宜檢之日卽事所須故也晉代舊籍並在下省左人曹謂之晉籍有東西二庫旣不係尋檢主者不復

經懷狗牽鼠齧雨濕沾爛解散于地又無肩膝此籍
精詳實宜保惜位高官卑皆可依按宋元嘉二十
七年始以七條徵發既立此科苟有迴避姦偽互起
歲月滋廣以至於齊於是東堂校籍置郎令史以掌
之而簿籍於此大壞矣凡粗有衣食者莫不互相因
依競行姦貨落除卑注更書新籍通官榮爵隨意高
下以新換故不過用一萬許錢昨日卑微今日仕伍
凡此姦巧並出愚下不辨年號不識官階或注義熙
在寧康之前或以崇安在元興之後此時無此府此
年無此國元興唯有二年而猥稱四年又詔書甲子
不與長曆相應如此詭謬萬緒千端校籍諸郎亦所

不覺不才令史更何可言且籍字既細難爲眼力尋
求巧僞莫知所在徒費日月未有實驗假令兄弟三
人分爲三籍却一籍父祖官其二初不被却同堂從
祖以下固自不論諸如此例難可悉數或有應却而
不却不須却而却所却既多理無悉當懷冤抱屈非
止百千投辭請訐克曹荆府既難領理交與人怨於
是悉聽復注普停洗却既蒙復注則莫不成官此蓋
核籍不精之巨弊也臣謂宋齊二代士庶不分雜役
減闕職由於此自元嘉以來籍多假僞景平以前既
不係檢凡此諸籍得無巧換今雖遺落所存尚多宜
有徵驗可得信實其永初景平籍宜移還上省竊以

爲晉籍所餘須加實愛若不切心留意則還復散失矣不識胄胤非謂衣冠凡諸此流罕知其祖假稱高曾莫非巧僞質諸文籍姦事立露懲覆矯詐爲益實弘又上省籍庫雖直郎題掌而盡日料校唯令史獨入籍既重實不可專委群細若入庫檢籍之時直郎直都應共監視寫籍皆於郎都目前並加掌置私寫私換可以求絕事畢郎出仍自題名臣又以爲巧僞既多並稱人士百役不及高卧私門致令公私闕乏是事不舉宜選史傳學士諳究流品者爲左人郎左人尚書專共校勘所責卑姓雜譜以晉籍及宋元初景平籍在下省者對共讎校若譜注通籍有卑雜則

條其巧謬下所在科罰帝以是留意譜籍詔御史中丞王僧孺改定百家譜由是有令史書吏之職譜局因此而置始晉大元中員外散騎侍郎賈弼好簿狀大披群族所撰十八州百一十六郡合七百一十二卷士庶略無遺闕其子孫代傳其業宋王弘劉湛並好其書弘日對千客而不犯一人諱湛爲選曹始撰百家譜以助銓序傷於寡略齊王儉復加得繁省之表僧孺爲八十卷東南諸族則爲一部不在百家之數○陳文帝天嘉初詔曰自頃編戶播遷良可哀愴其亡鄉失土逐食流移者今年內隨其適樂來歲不問僑舊悉令著籍同土斷之例○後魏初不立三長

唯立宗主督護所以人多隱冒五十三家方爲一戶謂之蔭附蔭附者皆無官役豪強徵歛倍於公賦矣孝文太和十年給事中李冲以三正理人所由來遠於是初三長之制曰宜準古五家立一隣長五隣立一里長五里立一黨長其黨長取鄉人強謹者隣長復一夫里長二黨長三所取復征戍餘若人三長三載亡愆則陟用之一等太后覽而稱善引見公卿議之中書令鄭羲秘書令高祐等曰冲求立三長者乃欲混天下爲一法言似可用事實難行太尉元丕曰臣謂此法若行公私有益方今有事之月校比人戶新舊未分人心勞怨請過今秋至冬閑月徐乃遣

使於事爲宜冲曰人可使由之不可使知之若不因調時百姓徒知立長校戶之勤未見均徭省賦之益心必生怨宜及課調之月令知賦稅之均旣識其事又得其利因人之欲爲之易行著作郎傅思益進曰人俗旣異險易不同九品差調爲日已久一朝改法恐成擾亂太后曰立三長則課有常準賦有恒分苞蔭之戶可出僥倖之人可止何爲而不可遂立三長公私便之○北齊令人居十家爲隣比五十家爲閭百家爲族黨一黨之內則有黨族一人副黨一人閭正二人隣長十人合十有四人共領百家而已至於城邑一坊僑舊或有千戶以上唯有里正二人里吏

二人里吏不常置隅老四人非是官府私克事力坊
事亦得取濟若論外黨便是煩多時宋孝王撰關東
風俗傳曰昔六國之亡豪族處處而有秦氏失馭競
起爲亂及漢高徙諸大姓齊田楚景之輩以實關中
蓋所以強本弱末之計也文宣之代政令嚴猛羊畢
諸豪頗被徙逐至若瀛異諸劉清河張宋并州王氏
濮陽侯族諸如此輩亦宗近將萬室烟火連接比屋
而居獻武初在冀郡大族蝟起應之侯景之反河南
侯氏幾爲大患有同劉元海石勒之衆也凡種類不
同心意亦異若遇間隙先爲亂階時宋世良獻書以
爲魏氏十姓八氏三十六姓皆非齊代腹心請令散

配郡國無士族之處給地爲人一則令其就彼士宦
全其門戶二則分其氣勢使無異圖文宣不納數年
之後乃濫戮諸元與其酷暴誅夷未若防其萌漸分
隸諸郡○隋文帝受禪頒新令五家爲保保五爲閭
閭四爲族皆有正畿外置里正比閭正黨長正比族
正以相檢察蘇威奏置五百家鄉正令理人間詞訟
李德林以爲本廢鄉官判事爲其里閭親識剖斷不
平今令鄉正專理五百家恐爲害更甚且今時吏部
總選人物天下不過數百縣於六七百萬戶內銓簡
數百縣令猶不能稱才乃欲於一鄉之內選一人能
理五百家者必恐難得又卽要荒小縣有不至五百

家者復不可令兩縣共管一鄉勅內外群官就東宮會議自皇太子以下多從德林議蘇威又言廢郡德林語之云修令時公何不論廢郡爲便令纔出其可改乎然高穎同威之議遂置之十年虞慶則於關東諸道巡省使還並奏云五百家鄉正專理詞訟不便於人黨與愛憎公行貨賂乃廢之。○大唐令諸戶以百戶爲里五里爲鄉四家爲鄰五家爲保每里置正一人若山谷阻險地遠人稀之處聽隨便量置掌按比戶口課植農桑檢察非違催驅賦役在邑居者爲坊別置正一人掌坊門管鑰督察姦非並免其課役在田野者爲村別置村正一人其村滿百家增置一人掌同坊正其村居如滿十家者隸入大村不須別置村正天下戶爲九等三年一造戶籍凡三本一留縣一送州一送戶部常留三比在州縣五比送省儀鳳二年二月勅自今以後省黃籍及州縣籍也諸里正縣司選勳官六品以下白丁清平強幹者克其次爲坊正若當里無人聽於比鄰里簡用其村正取白丁克無人處里正等並通取十八以上中男殘疾等克

杜氏通典卷第三終